





立秋日日出採楸葉蒸膏搗瘡瘍立愈  
治腫毒初起方取雞子用銀簪抹一孔用明透雄黃三錢研細入之仍以簪攪勻封孔入飯內蒸熟食之日三枚神效

便民圖纂卷第十二

調攝類下

瘡腫

長示部  
振解西  
請子本

諸腫毒凡癰疽發背用大蘇根洗淨切碎研如膏塗瘡上其冷如水初發者能消散已發者速潰或用大蒜切片子如錢厚安腫上以艾灸之蒜熟更換新者初灸覺痛灸至不痛乃止初灸不痛灸至極痛方止又方不問老少初發時以紙一片水浸溼搭腫上一點先軋者即是正頂以大筆管一箇安頂上用大馬黃一條安其中頻以冷水灌之馬黃



當吮其穴血出毒散如毒大用三四條始見功若  
 吮正穴馬黃必死用水救活其瘡即愈累試奇方  
 乃去毒之一端也血不止以藕節研爛塗上○癰  
 疽成膿不用針者取出蛾繭一枚燒灰酒調服即  
 破○凡惡瘡不收口者用瓦花陰軋為末先用槐  
 枝葱白湯洗過摻之立効灸瘡不收者更效○多  
 年惡瘡用馬齒莧搗爛傳之瘡形如翻花者燒灰  
 猪脂調傳○毒瘡無頭者用蛇蛻皮貼腫處又方  
 槐花二兩微炒好酒二碗煎一碗上發背食後服  
 下發背食前服○無名腫毒用野菊花連根搗爛

治無名腫毒方麥粉不  
 拘多少用陳醋熬膏貼  
 神效  
 治發背癰疽一切惡瘡初  
 起時採獨蒼身一根連葉  
 帶子細剉不見鐵器用砂  
 鍋熬水二大碗熬及一碗如  
 瘡在上飯後徐服吐  
 吐定再服以盡為度瘡  
 在下空心服瘡自破出膿  
 以膏貼之  
 又治一切惡瘡服瓜萎方  
 懸萎一枚去皮用穰及  
 子生薑四兩甘草三兩橫  
 紋者佳細切用白反酒一  
 碗煎及半濃服之忌銅  
 鐵器意在食後服在  
 下空心服一說有加大黃  
 或不香或乳香沒藥  
 者病瘡先疏利次用  
 瓜萎方日以乳香菜

以好酒二碗煎至一碗乘熱服之○鬚邊軟癩數  
 年不愈者用猪頸猫頸上毛各一撮燒灰鼠屎一  
 粒為末清油調傳○附骨疽久不癰膿汁敗壞或  
 骨從瘡孔出用大蝦蟆一箇亂頭髮一握如雞子  
 大猪油四兩煎藥濾去滓凝如膏貼之凡貼先以  
 桑根皮烏豆煎湯淋洗拭乾煨龍骨末摻瘡四畔  
 令易收斂○便癰用皂莢燒過陰軋為末酒調服  
 或用皂莢子七粒水服○便毒初發時用生薑一  
 大塊米醋一盞薑蘸醋磨取千步峰泥即人家行  
 塗腫處又方用核桃七箇連殼燒存性為末好



痘粉溫下三五錢防毒  
氣入腹外以膏敷之  
自無不愈

酒調服三五次愈○疔瘡用蒼耳子根梗苗燒灰  
和醋靛如泥塗軋再換上不十次即拔出根或用  
白梅肉荔枝肉同擣成膏捻作餅子依瘡大小安  
上根即出若垂死者用甘菊花葉一把擣汁一鍾  
入口即活冬月用根此方神効○魚臍疔瘡用絲  
瓜葉連鬚葱韭菜同入石鉢擣爛以酒和服粗貼  
腋下如病在左手貼左腋下在右貼右腋下在左  
足貼左胯在右貼右胯在中則貼心臍並用布帛  
包住候向下紅絲處皆白則可如有潮熱亦用此  
法却令人抱住恐其顛倒倒則難救若瘡頭黑深

破之黃水出四畔淫漿用蛇殼燒存性細研用雞  
子清調傳

瘰癧用華麻子炒熟去皮爛嚼臨卧服三二枚漸加

至十數枚甚效又方已潰未潰者用蝸牛以竹絲  
串尾曬軋燒存性入輕粉少許猪骨髓調用紙花  
量瘡大小貼之一法以帶牧酒牛七箇生取肉入  
丁香七粒於殼內燒存性與肉同研成膏用紙花  
貼之又方用大田螺并殼肉燒存性爲末破者軋  
貼未破者清油調服又方不分男婦用猫兒眼草  
一二細井水二桶五月五日午時鍋內熬至一桶



盆內澄清再下鍋熬至一碗盛放磁瓶內另用川椒葱槐枝三件放在一處熬湯將瘡洗淨用藥膏搽二三次即愈又方專治婦人用檳榔黑牽牛斑猫麝香郁李仁甘草防風白朮蜜陀僧各等分斑猫去翅足用糯米炒如粟米色攤地上去火性郁李仁亦用糯米炒合黑色黑牽牛將一半用浮麥炒合黑色各爲末以人年歲大小體貌肥瘦用藥五更時煎木香檳榔湯調服或止用井花水調服亦得待藥行四五度巳時分以白米粥補之病根從小便出即愈

**瘤癧**凡皮膚頭面上生瘤大者如拳小者如粟或軟或硬不疼不消痛者用大南星一枚細研稠粘用米醋五七滴爲膏如無生者用乾者爲末醋調如膏先將小針刺痛處令氣透以藥攤紙上貼之又方兼去鼠妳痔用芫花根淨洗帶溼不得犯鐵氣於木石器中擣取汁用線一條浸半日或一宿以線繫瘤經宿即落如未落再換一二次自落後以龍骨訶子末傅瘡口即合繫鼠妳痔依上法累用之效如無根用花泡濃水浸線

**面瘡**用鍬子底黑煤和小油調一匙打成膏子攤紙



上貼之或用水調平胃散塗之

**鼻瘡**用杏仁研乳汁和傅或用烏牛耳垢操之

**口舌瘡**用玄胡索一兩黃檗黃連各半兩蜜陀僧二錢青黛一錢爲末傅貼口內有津即吐又方用杏仁七箇去皮尖輕粉少許同嚼吐涎即好

**走馬疔瘡**用天南星一箇剉去心以通明雄黃一粒入南星內仍以剉下南星片掩之麵裹煨以折爲度爲細末軋用清油調塗溼軋搽三日全愈

**天庖瘡**用防風通聖散末及蚯蚓略炒蜜調傅若從肚上起者是內發熱服通聖散

**禿瘡**用溫熱泔水洗見血將松香一兩猪板油半兩同研爛傅瘡上三日後仍如前法洗傅不三五次即愈蓋二味能引蟲出故也須時常用溫水洗過菜油擦之不發

**臙瘡**用螻蛄汁洗淨挹乾刮虎骨傅上又方用韭地上蚯蚓泥軋末入輕粉清油調傅白犬血亦可又方用白墻土煨紅數多爲妙研細生油好粉調塗或用真百藥煎填之或以五倍子末摻之若臭爛久不愈者用黑龜煨一箇酸醋一碗炙醋盡爲度仍煨令白烟盡存性碗合地上一宿出火氣入輕粉



麝香拌勻先以葱湯洗拭乾傳藥

人面瘡用貝母為末搽之

疥瘡水銀大風子輕粉樟腦杏仁枯礬各等研細柏油

調搽

頭癬雄黃硫黃剪草枯礬寒水石輕粉滑石各等為

末用香菜油調勻先用荆芥防風黃蘗等藥煎湯

熏洗次用藥搽傳

痔瘡用馬齒莧苦蕒各一斤枳殼一兩連鬚葱一握

川椒一合煎湯熏之候稍溫方洗不二次永除

又方取鰻魚焙乾燒烟熏之又方以土中繡釘無鐵

者擣爛醱醋調蘸三五次即愈

洗痔方晉礬寒水石各一兩雄黃三錢共為末每次三錢

以滾水泡過攪勻碗盛放淨桶內熏之候水溫洗

又方用不見水新磚一塊燒紅以好醋潑上却用

艾葉鋪了三四層乘熱以布裹定令坐上蒸熏三

五次即愈或用煮鱉湯或退雞湯洗即愈

漏瘡惡水自大腸出用黑牽牛研細去皮入猪腰子

內以線紮青荷葉包裹火煨熟細嚼溫鹽酒下

又方肛門周匝有孔數十諸藥不效用熟犬肉蘸濃

鹽汁空心食之七日自愈

方用稀熬燒酒  
芥穗四兩槐豆五錢  
煎沸五次忘任意  
効



麝香拌勻先以葱湯洗拭軋傳藥

人面瘡用貝母為末搽之

疥瘡水銀大風子輕粉樟腦杏仁枯礬各等研細柏油

調搽

頭癬雄黃硫黃剪草枯礬寒水石輕粉滑石各等為

末用香菜油調勻先用荆芥防風黃蘗等藥煎湯

熏洗次用藥搽傳

痔瘡用馬齒莧苦蕒各一斤枳殼一兩連鬚葱一搯

川椒一合煎湯熏之候稍溫方洗不二次永除

又方取鰻魚焙軋燒烟熏之又方以土中繡釘無鐵

者擣爛醱醋調蘸三五次即愈

洗痔方晉礬寒水石各一兩雄黃三錢共為末每次三錢

以滾水泡過攪勻碗盛放淨桶內熏之候水溫洗

又方用不見水新磚一塊燒紅以好醋潑上却用

艾葉鋪了三四層乘熱以布裹定令坐上蒸熏三

五次即愈或用煮鱉湯或退雞湯洗即愈

漏瘡惡水自大腸出用黑牽牛研細去皮入猪腰子

內以線紮青荷葉包裹火煨熟細嚼溫鹽酒下

又方肛門周匝有孔數十諸藥不效用熟犬肉蘸濃

鹽汁空心食之七日自愈

治痔方用稀熬燒酒七斤  
南荆芥穗四兩槐豆五錢  
搗爛煎沸五次空心任意  
服甚効



脫肛地龍一撮壁上白蜂窠研細搽上又方五倍子  
爲末每用三錢入白礬一塊水二碗煎洗又方木  
賊燒灰存性爲末搽上又方浮萍草爲末軋貼  
下部溼瘡熱痒而痛寒熱大小便澁飲食亦減身面  
微腫用馬齒莧四兩研爛入青黛一兩再研勻傳  
上又方用紅椒開口者七粒連根葱白七箇同煮  
水洗淨用絹衣挹軋即愈

外腎瘡用菘豆粉一分蚯蚓屎二分水研塗上軋又  
傳如男子陰頭生癰用鼈甲爲末雞子白調傳治  
蛙榦瘡用黑油傘紙燒灰合地上一宿出火氣傳

瘡上便結靨治下疳瘡用白礬一兩黃丹八錢熬  
飛紫色研爲末以溝渠中惡水洗過挹軋傳上

凍瘡用軋茄根煎湯洗即愈凍脚者熱醋湯洗研藕  
貼之

漆瘡用磨鐵槽中泥或蟹黃塗之

杖瘡以防風荆芥大黃黃連黃檗用水煮却以油紙  
包乳香沒藥線紮定置所煮藥於水中再煮久之  
取出洗下油紙內二藥和藥汁中洗瘡油紙貼瘡  
一日一次

癩子用淨水擲青蒿汁調蛤粉傳雪水尤妙又方用

治杖後避風方荆芥黃  
蠟魚鱗炒黃色各五錢艾葉  
三片無灰酒一碗重湯煮一柱  
香時熱服汗出立愈百日  
內忌雞肉



茨菰葉陰乾爲末傳之

**腮腫**一名疔腮用赤小豆爲末醋調傳立效

**手指頭腫**用烏梅槌碎去核肉取仁研碎水醋調入  
潰之自愈○惡指欲成瘡痛極者用生黑豆嚼爛  
罨上以紗帛縛住痛即止○手背腫痛用苔脯浸  
研細傳之又以手按地足踏碾即散

諸傷 救急附

**破傷風**用病人耳中膜并爪甲上刮末唾調傳○牙  
關口緊四肢強直用鼠一頭連尾燒灰研臘猪脂  
調傳○浮腫用蟬殼爲末葱涎調傳破處即時取

去惡水或用魚膠二錢溶化封之又酒服一錢

**撲打墜損**惡血攻心悶亂疼痛用軋荷葉五斤燒烟

盡空腹以童便溫一盞調下三錢日三服○從高

墜下及墜馬傷損取淨土和醋蒸熱布裹熨之痛

即止○跌撲有傷口嚼燈心罨之血即止或用冬

青葉曬乾爲末摻傷處或細嚼傳上或用薑汁和

酒等分拌生麵貼之或用霜梅槌碎罨瘡口免破

傷風○傷肢折臂者即將拆處接上綁定用好酒

一碗旋熱將雄雞一隻刺血在內攪勻乘熱飲之

仍將連根葱擣爛炒熱傳上包縛冷再換亦治刀

治撲打墜損方以十月  
采野菊花連枝葉陰  
乾用時每野菊花一兩加  
童便無灰好酒各一碗同  
煎熱服雖重傷瀕死  
但一經未絕灌下立甦  
○治折傷骨方用開通元  
寶錢燒而醋淬研末以酒服  
下則銅末自結爲圈周走折  
處如倉卒以此錢不易得取銅  
末酒服亦可此錢唐初所鑄  
歐陽詢書幕有偃月形其  
字迴環讀之非元宗之開元  
通寶也



用未退胎毛小雞一隻  
和骨生搗如泥作餅入  
五加皮傳傷處接骨  
如神○又方刺藤根一  
段長五六寸用瓦器焙乾  
為末白花者良黃花者亦  
可乳香三錢沒藥三錢孩  
兒茶五粒用無反老酒沖  
服斷骨自續身三劑下  
接筋神方身三劑下  
宣服花研末白糖沙鍋  
熬汁入宣服花末滴入傷  
口其筋自續

刃傷痛與血隨止

接骨方用無名異甜瓜子各一兩乳香沒藥各一二錢許共為細末每服五錢熱酒調服小兒三錢服訖以紙攤黃米粥於上摻左顧牡礪末裹傷處竹篋夾之

人咬傷用龜板或鼈甲燒灰為末香油調塗

虎傷用生薑汁服并洗傷處白礬末傳瘡上

馬咬及踏傷用艾灸瘡上并腫處又用人尿或用馬屎鼠屎燒為末和猪脂調傳若人身先有瘡因受馬為馬汗或馬毛入瘡中或為馬氣熏蒸皆致

痛宜數易冷水漬之難漬處以布浸溼搨之

猪咬傷用屋雷中泥塗之即今之承溜也

犬咬傷用草麻子五十粒去殼井水研成膏先以鹽洗咬處貼上或用蚯蚓泥和鹽研傳或以砂糖塗之

風犬傷急於無風處啣去瘡孔血若孔乾則針刺血

小便洗淨用胡桃殼半瓣人糞填滿掩瘡孔艾灸一百壯後一日灸一壯百日止急用蝦蟆軋一箇斑猫二十一箇去頭翅足用糯米炒黃只用斑猫蝦蟆為末分作四服酒調或水調服以小便瀉下



惡物爲度未見惡物量輕重再服常服者韭汁一  
盞常敷者虎骨末和石灰臘猪脂調傳禁酒雞魚  
猪肉油膩終身忌食犬肉蠶蛹被咬者無出於灸  
七日當一發二七日不發可全免如痛定瘡合爲  
愈不治者必死

**猫咬傷**用薄荷汁塗之或浸椒水調莽草末傳

**鼠咬傷**用猫毛燒灰麝香少許津唾調傳

**毒蛇惡蟲傷**毒氣入腹者用蒼耳草嫩葉擣汁灌之  
將粗厚菴傷處若犬咬煮汁服之○惡蛇傷不可  
療者香白芷爲末麥門冬去心濃煎湯調下頃刻

咬處出黃水盡腫消皮合仍用藥粗塗傷處**又方**  
急於無風處先以麻皮縛咬處上下重者刀剗去  
傷肉小便洗淨燒鐵烙之然後填蚯蚓泥次填陳  
年石灰末絹紮住輕者針刺瘡口并四旁出血小  
便洗淨以蒜片著咬處艾灸三五壯

**蜈蚣傷**用燈草蘸油點燈以煙熏之凡毒蟲傷皆可  
治**又方**用蚯蚓泥挹之或刺雞冠血塗之或以桑

樹汁傳之

**蜂子毒**用野芋葉擦之或急以手爬頭上垢膩傳之  
或用鹽擦或用人尿洗之

治蝎螫神方生半夏爲末  
用醋調敷患處立愈



傷風圖集 卷之三  
湯火傷用青椀爲細末水飛過以桐油調傳不兩次  
瘡或用五倍子爲末摻之或用饅頭燒灰油調傳  
之或用麻油浸黃葵花搽之又方用菜豆粉小粉  
俱炒過爲末和勻以香油調傳

蚯蚓傷地上坐卧不覺外腎陰腫鹽湯溫洗數次甚  
效

針刺拆在肉中者用瓜萋根擣爛傳上一日換三次  
自出又方用臘姑腦子即蠟硫黃研勻攤紙上貼  
瘡候痒時針出

竹木刺入肉者用糞爲末水調塗刺上候疼搔自  
出或嚼栗子傳之亦妙

自縊不可割斷繩以膝頭或手厚裹衣緊抵穀道拖  
起解繩放下揉其項痕搐鼻及吹其兩耳待氣回  
方可放手若泄氣不可救

溺水救起放大橈上卧着橈脚襯高以鹽擦臍中待  
水自流出不可倒提出水但心下溫者可救又方  
急解去衣帶艾灸臍中仍令兩人以蘆管吹其耳  
中即活

旅途中暑不可用冷水灌沃急就道間掬熱土於臍  
上撥開作竅尿其中次用生薑大蒜細嚼熱湯送



下

**凍死** 冬月凍死及落水凍死微有氣者脫去溼衣解活人熱衣包之用米炒熱熨心上或炒竈灰令熱以囊盛熨心上冷即換之令暖氣通溫以熱酒或薑湯或粥飲少許灌之

一應卒死心頭熱者用菖蒲根生搗絞汁灌鼻中或口中即活○目閉者搗薤汁灌耳中吹皂莢末入鼻立效○口張者灸兩手足大指甲後各十四壯○四肢不收遺便者馬屎一升水三斗煮取汁二斗洗之又取牛糞一升溫酒和灌口中灸心下一

寸臍下二寸臍下四寸各一百壯○脉動而無氣者用菖蒲屑納耳鼻孔中吹之及着舌底

**壓死** 凡壓死及墜跌死心頭溫者先扶坐起將手提其髮用半夏末急吹入鼻中如活以生薑汁香油打勻灌之若取藥不便急擘開其口以熱小便灌之

**魘死** 不得近前叫喚但咬痛其脚根及足拇指甲際多唾其面不省者移動些少卧處徐徐喚之原有燈則存無燈不可點照又方用皂莢爲末吹入鼻中或用蘆管吹兩耳或以鹽湯灌之或搗韭汁半



治煤毒方臨卧削蘆葦一片著火中即烟不能毒人如無蘆葦時預儲乾者用之亦佳又方室中貯水盆中毒即解

盞灌鼻中皆可

中砒毒用白匾豆一合為末冷水調下又方用早禾

稗燒灰新汲水淋汁絹濾過冷服一碗又方用寒

水石菜豆粉末以藍根研水調服或菜豆搗水或

醬調水服皆可

中蠱毒用白礬一塊嚼之覺甜不澁次嚼黑豆不腥

者便是有蠱用梳齒上垢膩服之吐出又方用蠶

退紙撚紙條蘸麻油燒存性為末水調一錢頻服

若面青脉絕昏迷如醉口噤吐血服之即蘇又方

治百蠱不愈者取鶉鳩熱血隨多少服之又方取

胡荽搗成汁用半盞不拘時服其蠱立下和酒服

更妙

雜治

妙應散白伏苓遼參細辛去葉香附子炒去毛川芎白蒺

藜炒去角宿砂各五錢龍骨研石膏煨百藥煎白芷各七

麝香少許研共為細末臨卧早晨溫水刷之牢牙

疎風理氣黑髭髮

烏髭髮方生胡桃皮生石榴皮生柿子皮各等分先將

生酸石榴剝去穰子揀丁香好者裝滿通秤分兩

復將胡核柿子皮與所裝石榴丁香等分曬乾同

治偏頭痛方取新蘆葦自然汁入龍腦少許左痛則仰灌右鼻孔右痛則仰灌左鼻孔皆痛則並灌之奇効



爲末用生牛乳和勻盛鉛盒內密封埋馬糞中四十九日取出或魚泡或猪膽裹指蘸擦髭髮即黑

[又方]鉛二兩石灰一兩粉二錢黃丹一錢入廣鍋同炒千萬遍色要黑紅出鍋置地上出火氣加芸香一錢清茶調傅鬚上菜葉裹之再用帕包次早肥皂湯淨洗

[又方]針砂一兩新鐵鍋炒紅入好醋浸之再炒再浸共七次訶子白芨各四錢百藥煎六錢綠礬二錢各爲末先淨洗鬚用好醋調令牽線搭鬚上以菜葉包護再用手帕緊纏次早溫酸泔洗去後用肥皂湯洗

**五神還童丹**訣云堪嗟髭髮白如霜要黑元來有異方不用擦牙并染髮都來五味配陰陽赤石脂與川椒炒辰砂一味最爲良茯神能養心中血乳香分兩要相當棗肉爲丸桐子大空心溫酒十五雙十服之後君休摘管教華髮黑加光兼能明目并延壽老翁變作少年郎內五味各一兩乃仙家傳授老少皆可服

**刷牙藥**訣云猪牙皂角及生薑西國升麻及地黃木律旱蓮槐角子細辛荷蒂用相當青鹽等分同燒煨研細將來用最良明日牢牙鬚髮黑誰知世上



有仙方

菊花散甘菊花兩二蔓荆子兩乾柏葉兩川芎兩桑白皮淨白

芷細辛去苗旱蓮草根梗花葉並每次用藥二兩漿

水五大碗煎至三碗去滓洗治頭髮脫落

追風散貫仲鶴虱荆芥穗各等分每用二錢加川椒五

十粒水一大碗煎至七分去滓熱嗽吐去藥諸般

牙疼立效又方用青鹽煨過香附同為末擦之即

愈

疾菊散用疾菊根燒灰貼牙齒打動處即牢

白附丹白附子白芨白斂白茯苓蜜陀僧研白石脂

研定粉研各等分共為末先用洗面藥洗淨臨睡用人

乳汁或牛乳或雞子清調丸如龍眼大窰乾逐旋

用溫漿水磨開傳之治面生黑點

檳榔散雞心檳榔舶上硫黃各等分片腦少許共為末用

糲絹包裹常於鼻上搽磨鼻聞其臭效又加華麻

子肉為末酥油調臨睡少搽鼻上終夜得聞鼻赤

自除又方枇杷葉一兩去毛陰梔子五錢為末每服

二三錢溫酒調下早晨服先去左邊臨卧服去右

邊其效如神治酒瘡鼻用白鹽常擦或馬雞黃白

礬鹽為末用水先溼以藥傳上

固齒及血助方生地黄細辛白芷皂角各一兩去黑皮并子入瓶黃泥封固用炭火五六斤煨令炭盡入白僵蚕一分甘草二錢并為細末早晚用



唇面皴裂用臘月猪脂煎熟夜傳面卧遠行野宿亦  
不損

頭生白屑側柏葉三片胡核七箇訶子五箇消梨一  
箇共爲末同研爛用井花水浸片時擦頭上則永  
不生白屑

不落髮方側柏葉兩大片榧子肉三箇胡桃肉二箇  
同研細擦頭皮或浸油或水內常擦則梳頭自不  
落髮

軋洗頭方用藁本白芷等分爲末夜搽髮內明早梳  
之垢自去

手足開裂用清油半兩以慢火煎沸入黃蠟一塊同  
煎候鎔入官粉五味子末少許熬令稠紫色爲度  
先以熱湯洗烘乾用藥傳薄紙貼之

脚指縫爛用鷲掌黃皮燒存性爲末摻之若指縫搔  
痒成瘡有竅血不止用多年糞桶箍燒灰傳之○  
闕甲痛甚者用橘皮濃煎湯洗浸良久足甲與肉  
自離輕手剪去研虎骨末傳之痛卽止

脚生鷄眼取黑白虱各一枚先挑破患處以虱置其  
所縛之卽愈若手指傷成瘡爲鷄眼者用地骨皮  
紅花研細傳之卽結靨而瘡

治足疾方藏靈仙牛膝合  
爲細末蜜丸空心服元腫痛  
拘攣皆可愈服有走及奔  
馬之效二物當等分酒及熟  
水皆可下犯茶則不効藏靈  
仙須得真者



治河豚魚毒方或龍腦  
浸水或至寶丹或橄欖  
皆可解又槐花微炒與乾  
臘脂各等分搗粉水調  
灌即效

腿轉筋取松木節剉為骰子大以酒煎服

腰肢軟用二蠶沙炒熨之

飛蟲入耳用兩刀臨耳邊相磨敲作聲即出或用鷄  
冠血滴入耳中或用麻油灌之若蜈蚣入耳用炙  
猪肉掩之即出

骨鯁用象牙屑以新汲水一盞浮牙屑水上吸之其  
骨自下或用鳳仙花子為末吹入喉中自化又方  
訣云宿砂葳靈仙砂糖冷水煎請君進一服諸骨  
軟如綿一法不用人見將本色骨插髻上倒轉筋  
仍舊飲食其骨自下

悞吞銅鐵悞吞銅錢用生茨菰汁呷飲自消○悞吞  
金銀用石灰一塊如杏核大硃黃一塊如皂角子  
大同研末酒調服○悞吞竹木用舊鋸子燒赤投  
酒中熱飲或用貫眾煎湯呷之則漱○悞吞稻麥  
芒取鷺口中涎水嚥之○悞吞鐵針諺云木炭燒  
紅急擣灰米湯調下兩三杯不然熟艾蒸汁飲便  
是鐵釘也解摧

中酒瓜萋貝母山梔炒石膏煨香附南星薑製神麩炒

山查各一兩枳實炒薑黃蘿蔔子蒸連翹石鹼各五錢

升麻二錢五分為末薑汁炊餅丸白湯送下



浴液氣方熱蒸餅一枚摩作  
兩片糝密陀僧一錢許急  
挾之腋下少睡片時俟冷棄  
之

胎產驗方

當歸 錢五分

川芎 錢五分

兔絲子 錢五分

枳殼 六分

厚朴 七分

羌活 七分

艾葉 五分

白芍 錢二分

川貝母 錢五分

薑三片

生胎三四月服二劑七八月

再服二劑臨產服三劑胎

安易產不論有病無病俱

可用催生加紅花七分分量

不可加減

體氣用大田螺一枚水中養之俟靨開以巴豆一粒

去殼將針挑巴豆放在內取出拭乾仰頓盞內夏

月一宿冬月五七宿自然成水取擦腋下

汗斑用白附子硫黃各等分為細末以茄蒂醮醋粘末

擦之又用枯草濃煎水日洗數次

婦人

四物湯當歸川芎白芍藥熟地黃各等分水煎服治衝

妊虛損月水不調臍腹疼痛一切疾病皆可主此

隨證加減

全生茯苓散赤茯苓葵子各等分每服五錢水煎溫服

治妊娠小便不通

大全良方枳殼麩炒三兩防風去蘆二兩甘草炙一兩每服二錢

白湯調下空心食前日三服治孕婦大便秘澁

地黃當歸湯熟地黃二兩當歸一兩為末作一服水三升

煎一升溫服治有孕胎痛

火龍散艾葉末鹽炒一兩五錢茴香炒川練子炒各五錢水煎服

治妊娠心氣痛

驅邪散高良薑炒白木草果仁橘紅藿香葉砂仁白

茯苓去皮各一兩甘草炙半兩每服四錢水一盞薑三片

棗一枚煎不拘時服治妊娠停食感冷發為瘡症



便氏圖集  
黃芩湯白朮黃芩各等分每服三二錢水二盞入當歸

一根同煎溫服治孕胎不安

枳殼湯枳殼去穢黃芩各五錢白朮一兩水煎食前溫服

治胎漏下血及因事下血

立效散川芎當歸各等分每服二錢水煎食前溫服治

胎動不安如重物所墜冷如冰

全生白朮散白朮一兩生薑皮大腹皮陳皮茯苓皮各五錢

為末每服二錢不拘時米飲調下治妊娠面目

虛浮如水腫狀

簡易方粉草一兩半商州枳殼五兩去白為末每服一

錢空心白湯服加香附子尤佳治妊娠七八月者

常宜服之活胎易產

經驗方黃連末酒調一錢日三服治胎動出血產門

痛

良方黃連濃煎汁呷之治兒在腹哭

催生如聖散黃葵花焙乾為末二錢熟湯調下神效

白芷散百草霜一兩香白芷五錢為末每服一錢水一盞

煎至七分加童便稍熱服治產難母子保全

秘方肉桂為末三錢麝香另研五分和勻作一服酒一盞童便

半盞熱調服治胎死腹中不下



又方治生產五七日不下及矮小女子交骨不開者  
取自死龜殼或占下廢殼酥炙或醋炙取婦人生  
男女多者頭髮燒存性為末以川芎當歸同煎服  
產後消血塊方滑石錢三沒藥錢二血竭錢二如無以醋  
糊為丸如惡露不下以五靈脂為末神麩丸白木  
陳皮湯下

孤鳳散白礬錢一熟水調下治產後閉目不語

獨行散五靈脂炒為末水酒童便調下一二錢治產  
後血暈

秘方紫葳兩乾漆炒二錢五分芍藥蓬莪朮當歸稍各五錢

治室女月經不通

小兒

生地黃湯生乾地黃當歸赤芍藥川芎天花粉各等分

每服五錢水一盞煎服治胎熱胎寒生下遍體皆  
黃狀如金色身上壯熱大小便不通乳食不進啼  
哭不止此胎黃候皆因母受熱而傳於胎也凡有  
此證乳母亦宜服之

至寶丹安息香一兩五錢為末無灰酒飛過瀝去沙石約取一兩慢火熬成膏入藥內用

琥珀研朱砂雄黃各一兩銀箔五十片龍腦射香各

錢五分牛黃五錢生烏犀角生玳瑁屑各一兩金箔十五分



片一半 生犀玳瑁擣羅為細末研入餘藥令勻將

安息香膏以湯煮凝成和搜為劑如乾入少熟蜜

丸如桐子大二歲服二丸人參湯化下大小以意

加減治諸癰急驚卒中客忤

黑龍丸 牛膽南星青礞石煨一兩 天竺黃青黛各五錢 硃

砂三錢 蜈蚣二錢五分 蘆甘石一錢五分 為末煎

甘草湯為丸如鷄頭大服一丸至二丸治急慢驚

風急驚薑蜜薄荷湯下慢驚桔梗白朮湯下

辰砂丸 辰砂別研 水銀砂子各一分 牛黃龍腦各五分 天

麻白殭蚕酒炒 蟬殼去土 乾蝎去毒 麻黃去節 天南星

酒浸十次焙乾各一錢 為末再研勻熟蜜丸如菉豆大硃砂

為衣每服一二丸或五七丸食後薄荷湯送下

抱龍丸 雄黃一分 辰砂五分 天南星臘月秘牛膽中

去皮臍剉炒熟用四兩 天竺黃一兩 射香五錢 為末煮甘草湯

為丸如皂角子大溫水化服百日者每丸分作三

四服五歲一二丸大者三五丸亦治室女白帶伏

暑用鹽少許嚼一二丸新水下臘月雪水煮甘草

和藥尤佳一法用漿水浸天南星三日候透軟煮

三五沸取出乘軟去皮只取白軟者薄切焙乾黃

色取末八兩以甘草二兩半拍破用水二碗浸一



治痘倒靨色黑唇白水用  
狗蟻七枚搗碎和醋酒調服  
移時即紅潤如舊

治痘後餘毒上攻眼成內障  
用蛇蛻一具淨洗焙乾又天  
花粉等分為細末以羊子肝  
破開入藥在內麻皮縛定  
用乾水煮熟切食之良愈

宿慢火煮至半碗去滓旋酒入天南星末慢研令  
甘草水盡入餘藥治傷風瘟疫身熱昏睡氣麤風  
熱痰實壅嗽驚風潮搐蟲毒中暑沐浴後並可服  
壯實者宜時與服之

異功散

人參一錢五分

木香官桂

去麤皮

當歸茯苓陳皮厚

朴姜製

白朮半夏

姜製

肉苳蔻丁香

各一錢

附子

五分

水一

蓋半薑三片煎服治痘瘡元氣虛弱不能升發裏  
虛泄瀉病有大小以意加減

四聖散紫草木通甘草

炙

枳殼

炒各等分

每服一錢水煎

治瘡疹出不快

惺惺散白茯苓細辛桔梗瓜萋根人參甘草

炙

白朮

川芎

各等分

為末每服一錢水煎入薄荷三葉治風

熱及傷寒時氣瘡疹發熱

無價散人猫猪犬糞臘月內燒灰為末蜜湯調服治  
斑瘡不出黑陷欲死者量大小與之

丹溪方硃砂為末蜜水調服治痘瘡已出未出皆可

服

大蘆會丸蘆會蕪荑木香青黛檳榔黃連

炒各二錢五分

蟬

殼二十枚胡黃連

五分射香

少許

為末猪膽二枚取汁浸

糕為丸如麻子大每服二十九丸白湯送下治諸疳



瘡

枳朮丸 枳殼

麸炒黃色 去穰 一兩

白朮

二兩

為末 荷葉裹燒飯為

丸如梧桐子大每服五十九丸白湯送下治痞消食

強胃

皮硝入雞腹中煮食消痞

便民圖纂卷第十二終

便民圖纂卷第十三

牧養類

相牛法相耕牛要眼去角近眼欲大眼中有白脉貫

瞳子脛骨長大後脚股闊並快使毛欲短密疎長

者不耐寒角欲得細身欲得麓尾稍長大者吉尾

梢亂毛轉者命短

相母牛法毛白乳紅者多子乳疎而黑者無子生犢

時子臥面相向者吉相背者生子疎一夜下糞三

堆者一年生一子一夜下糞一堆者三年生一子

治牛瘡用安息香於牛欄中焚之○又方用石確藤



和芭蕉春自然汁五升灌之

治牛噎用皂角末吹鼻中以鞋底拍其尾停骨下

治牛疥癩用蕎麥穰燒灰淋洗牛馬同治○又方用  
藜蘆爲末水調塗甚妙

治牛爛肩以舊絮三兩燒存性麻油調傳忌水五日  
瘡

治牛漏蹄以紫礦爲末豬脂和填漏蹄中燒鐵烙之

治牛咳嗽用鹽一兩豉汁一升相和灌之

治牛尿血用當歸紅花爲末酒煎一合灌之

治牛身上生蟲當歸搗爛醋浸一宿塗之

治牛傷熱用胡麻葉搗汁灌之立瘥

治牛尾焦牛尾焦不食水草用大黃黃連白芷各半  
兩爲末以鷄子清一箇酒調灌之

治牛觸人牛忽肚脹狂走觸人用大黃黃連各半兩  
鷄子清一箇酒一升和勻灌之

治牛腹脹牛喫雜蟲非時腹脹用燕子屎一合水調  
灌之

治牛卒疫牛卒疫頭打眩用巴豆去皮搗爛入生麻  
油和灌之仍用皂角末一撮吹入鼻中更用鞋底  
於尾停骨下拍之



治牛患眼牛生白膜遮眼用炒鹽并竹節燒存性細研一錢貼膜上

治水牛患熱白木二兩半蒼木四兩二錢紫苑葉本各三兩三錢

牛膝三兩二錢麻黃三兩去節厚朴三兩一分當歸三兩半共為末

每服二兩以酒二升煎放溫草後灌之

治水牛氣脹白芷一兩茴香官桂細辛各一兩一錢桔梗一兩

芍藥蒼木各一兩三錢橘皮九錢五分共為末每服一兩

加生薑一兩鹽水一升同煎候溫灌之

治水牛水瀉青皮陳皮各二兩一錢白礬一兩九錢蒼木橡斗

子乾薑各二兩二錢枳殼一兩九錢芍藥細辛各二兩五錢茴香

二兩三錢共為末每服一兩用生薑一兩鹽三錢水二

升同煎灌之

治水牛瘟疫水牛患熱瘟疫用人參芍藥黃柏各二兩五錢

貝母知母白礬黃連防風各二兩三錢山梔鬱金黃

芩各二兩四錢瓜蒌桔梗各一兩大黃一兩九錢共為末每服

二兩以蜜二兩砂糖一兩生薑五錢水二升同調

灌之

看馬捷法頭欲高峻○面欲瘦而少肉○耳欲得小

耳小則肝小而識人意緊短者性最快○鼻大則

肺大而能奔○眼欲得大眼大則心大而猛利不



傷民圖集 卷之三  
驚眼下無肉多咬人○腎欲得小○腸欲厚則腹  
下廣方而平○膳欲得小膳小則脾小而易養○  
胸堂欲闊○肋骨過十二條者■三山骨欲平  
則易肥○四蹄欲注實則能負重○腹下兩邊生  
逆毛到膳者良○望之大就之小筋馬也望之小  
就之大肉馬也至瘦欲見其肉至肥欲見其骨○  
今之買馬且看眼鼻大筋骨麓行立好便是好馬  
相馬毛旋歌括云項上須生旋有之不用誇還緣不  
利長所以號騰蛇後有喪門旋前兼有挾尸勸君  
不用畜無事也須疑牛額并銜禍非常害長多古

人如是說此事不虛歌帶劔渾閑事喪門不可當  
的盧如入口有福也須防黑色耳全白從來號孝  
頭假饒千里足奉勸不須留背上毛生旋驢騾亦  
有之只惟鞍貼下此者是馳尸銜禍口邊銜時聞  
禍必逢古人稱是病焉敢不言凶眼下毛生旋遙  
看是淚痕假饒福也病無禍亦防侵毛病深知害  
妨人不在占大都知此類無禍也宜嫌檐耳馳鬃  
項雖然毛病殊若然兼豹尾有實不如無

養馬法馬者火畜也其性惡濕利居高燥之地忌作  
房於午位上日夜餵飼仲春群蓋順其性也季春



傷風圖集 卷之十三 四  
必啗恐其退也盛夏午間必牽於水侵之恐其傷於暑也季冬稍遮蔽之恐其傷於寒也啗以猪膽犬膽和料餵之欲其肥也○餵料時須擇新草篩簸豆料若熟料用新汲水浸淘放冷方可餵飼一夜須二三次起餵草料若天熱時不宜加熟料止可用豌豆大麥之類生餵夏月自早至晚宜飲水三次秋冬只飲一次可也飲宜新水宿水能令馬病冬月飲畢亦宜緩騎數里卸鞍不宜當簷下風吹則成病

治馬諸病用白鳳仙花連根葉熬成膏抹於馬眼角  
上汗出卽愈

治馬諸瘡用夜合花葉黃丹乾薑檳榔五倍子爲末  
先以塩漿水洗瘡後用麻油加輕粉調傅

治馬傷料用生蘿蔔三五箇切作片子啖之

治馬傷水用葱塩油相和搓作團納鼻中以手掩其  
鼻令氣不通良久淚出卽止

治馬錯水緣馳驟喘息未定卽與水飲須臾兩耳并  
鼻息皆冷或流冷涕卽此證也先燒人亂髮燠兩  
鼻後用川烏草烏白芷猪牙皂角胡椒各等分麝  
香少許爲細末用竹筒盛藥一字吹入鼻中立效



傷風圖集 卷之十三 五  
○又法葱一握鹽一兩同杵爲泥罨兩鼻內須臾  
打通清水流出是其效也

治馬患眼青鹽黃連馬牙硝麩仁各等分同研爲末  
用蜜煎入磁瓶內盛貯點時旋取多少以井水浸  
化

治馬頰骨脹用羊蹄根草四十九箇燒灰熨骨上冷  
卽換之如無羊蹄根以楊柳枝如指頭大者炙熱  
熨之

治馬喉腫螺青川芎知母川欝金牛蒡炒薄荷貝母  
同爲末每服二兩蜜二兩用水煎沸候溫調灌之

○又方取乾馬糞置瓶中以頭髮覆蓋蓋燒烟熏其  
兩鼻

治馬舌硬欵冬花瞿麥山梔子地仙草青黛礪砂朴  
硝油煙墨等分爲細末每用五錢許塗舌上立瘥

治馬膈痛羌活白芍藥甜瓜子當歸沒藥爲末春夏  
漿水加蜜秋冬小便調療膈痛低頭難不食草

治馬傷脾川厚朴去麤皮爲末同薑棗煎灌一應脾  
胃有傷不食水草褰唇似笑鼻中氣短宜速與此  
藥治之

治馬心熱甘草芒硝黃柏大黃山梔子瓜萋爲末水



調灌一應心肺壅熱口鼻流血跳躑煩燥宜急與此藥治

治馬肺毒天門冬知母貝母紫蘇芒硝黃芩甘草薄荷葉同爲末飯湯入少許醋調灌療肺毒熱極鼻中噴水

治馬肝壅朴硝黃連爲末男子頭髮燒灰存性漿水調灌一應邪氣衝肝眼目似睡忽然眩倒此方治治馬卒熱肚脹用藍汁二升井花水二升和灌之

治馬腎搐烏藥芍藥當歸玄參山茵陳白芷山藥杏仁秦艽每服一兩酒一大升同煎溫灌隔日再灌

治馬流沫當歸菖蒲白朮澤瀉赤石脂枳殼厚朴甘草爲末每服一兩半酒一升葱白三握同水煎溫灌之

治馬氣喘玄參葶藶升麻牛蒡羌活黃耆知母貝母同爲末每服二兩漿水調草後灌之

治馬啞喘毛焦用大麻子揀淨一升餵之大效治馬尿血黃耆烏藥芍藥山茵陳地黃羌活枇杷葉爲末漿水煎沸候冷調灌之

治馬結尿滑石朴硝木通車前子爲末每服一兩溫水調灌隔時再服結甚則加山梔子赤芍藥



治馬結糞皂角燒灰存性大黃枳殼麻子仁黃連厚朴為末清米泔調灌若腸突加蔓荊子末同調

治馬傷蹄大黃五靈脂木鼈子去油海桐皮甘草土黃芸薹子白芥菜子為末黃米粥調藥攤帛上裹之

治馬發黃黃栢雄黃木鼈子仁等分為末醋調塗瘡上紙貼之初見黃腫處便用針遍即塗藥

治馬急起臥取壁上多年石灰細杵羅用酒調二兩灌之

治馬疥癩馬疥癩及癩痒用川芎大黃防風全蝎各一

兩荆芥穗兩五為細末分作五服白湯調冷灌之

治馬梁脊破成瘡不能騎坐如未破將馬脚下濕稀泥塗上乾即再易濕者三五次自消或只用溝中

青臭泥亦可已破成瘡者用黃丹枯白礬生薑燒存性人天靈蓋燒存性各等分為末入麝香少許瘡乾

用麻油調若瘡濕有膿用漿水同葱白煎湯洗淨傳之立效

治馬中結川山甲炒黃色大黃郁李仁各一兩風化石灰

一合如無灰以朴硝四兩代之共為細末作一服用麻油四兩醃

醋一升調勻灌之立效如灌藥不通用猪牙皂角



爲細末同麻油各四兩和勻填糞門中再灌前藥  
一服卽透

常啖馬藥鬱金大黃甘草貝母山梔子白藥黃藥欵  
花黃栢黃連知母桔梗各等分爲末每服二兩以  
油蜜和灌之若駒則隨其大小量爲加減

養羊法羊者火畜也其性惡濕利居高燥作棚宜高  
常除糞穢若食秋露水草則生瘡凡羊種以臘月  
正月所生之羔爲上十一月及二月生者次之大  
率十口二羝羝少則不孕多則亂群羝無角者更  
佳有角者喜相觸傷胎所由也

棧羊法向九月初買腓羯羊多則成百少則不過數  
十羸初來時與細切乾草少着糟水拌經五七日  
後漸次加磨破黑豆稠糟水拌之每羊少飼不可  
多與與多則不食可惜草料又蕪不得肥勿與水  
與水則退腓溺多可一日六七次上草不可太飽  
太飽則有傷少則不飽不飽則退腓欄圈常要潔  
淨一年之中勿餵青草餵之則減腓破腹不肯食  
枯草矣

治羊火蹄以羝羊脂煎熟去滓取鐵篋子燒令熱將  
脂勻塗篋上烙之勿令入水次日卽愈



治羊疥癩藜蘆根不拘多少搥碎以米汁浸之瓶盛塞口置竈邊令暖數日味酸可用先以瓦片刮疥處令赤用溫湯洗去瘡甲拭乾以藥塗上兩次卽愈若疥多宜漸塗之徧塗恐不勝痛○又方用鍋底煤及鹽與桐油各二兩調勻塗之

治羊中水先以水洗眼及鼻中膿汗令淨次用鹽一大撮就將沸湯研化候冷澄清汁注鷄子清少許灌鼻內五日後漸愈

治羊敗羣羊膿鼻及口頰生瘡如乾癬者相染遂致絕羣治法取長竿豎於棧所竿頭置一小板繫獮猴於竿令可上下又辟狐狸而益羊瘥病

養豬法母豬取短喙無柔毛者良喙長則牙多一廂三牙已上者不可養爲其難得肥也牝者子母不同胃子母若同胃喜相聚而不食牡者同胃則無害矣

肥豬法麻子二升搗十餘杵鹽一升同煮和糠三升飼之立肥

治豬病割去尾尖出血卽愈若瘟疫用蘿蔔或梓樹華與食之不食難救

養犬法凡人家勿養高脚狗彼多喜上卓橈竈上養



矮脚者便益純白者能為恠勿畜之○凡黑犬四足白者凶後二足白頭黃者吉足黃招財尾白者大吉一足白者益家白犬黃頭吉背白者害人帶虎斑者吉黃犬前二足白者吉胸白者吉口黑者招官事四足俱白者凶青犬黃耳者吉○犬生三子俱黃四子俱白八子俱黃五子六子俱青吉

**治狗病**用水調平胃散灌之加赤殼巴豆尤妙

**治狗卒死**用葵根塞鼻內即活

**治狗癩**狗遍身膿癩用百部濃煎汁塗之○狗蠅多者以香油遍身擦之立去

**相猫法**猫兒身短最為良眼用金銀尾用長面似虎威聲要噉老鼠聞之自避藏○露爪能翻瓦腰長會走家面長鷄絕種尾大懶如蛇○又法口中三坎者捉一季五坎者捉二季七坎者捉三季九坎者捉四季花朝口咬頭牲耳薄不畏寒毛色純白純黑純黃者不須揀若看花猫身上有花又要四足及尾花纏得過方好

**治猫病**凡猫病用烏藥磨水灌之○若俚火疲悴用硫黃少許入猪湯中炮熟餵之或入魚湯中餵之亦可○小猫悞被人踏死用蘇木濃煎湯瀉去粗



灌之

相鷺鴨法鷺鴨母其頭欲小口上齧有小珠滿五者生卵多滿三者爲次

選鷺鴨種凡鷺鴨並選再伏者爲種大率鷺三雌一雄鴨五雌一雄抱時皆一月量雛欲出之時四五日間不可震嚮大鷺抱十子大鴨十五子小者量減之數起者不任爲種其貪伏不起者爲種須五六日一與食起

棧鷺易肥者稻子或小米大麥不計煮熟先用磚蓋成小屋放鷺在內勿令轉側門中木棒簽定只令出頭喫食日餵三四次夜多與食勿令住口如此五日必肥

養雌鴨法每年五月五日不得放棲只乾餵不得與水則日日生卵不然或生或不生土硫黃飼之易肥

養鷄法鷄種取桑落時者良春夏生者不佳鷄春夏雛二十日內無令出窠飼以燥聚若聯飯則臍上生膿不宜燒柳木柴大者盲小者死餵小麥易大○作棲不宜用桃李木安棲宜四極中星之處子午卯酉方爲四極甲丙庚壬爲中星



養雞易肥法以油和麵捻成指尖大塊日與十數枚食之又以做成硬飯同土硫黃研細每次與五分許同飯拌勻餵數日即肥

養雞不菹法母雞下卵時日逐食肉夾以麻子餵之則常生卵不菹

養生雞法雞初來時即以淨溫水洗其脚自然不走

治鷄病凡鷄雜病以真麻油灌之皆立愈若中蜈蚣毒則研茱萸解之

治聞鷄病以雄黃末搜飯飼之可去其胃蟲此藥性熱又可使其力健

養魚法陶朱公曰治生之法有五水畜第一魚池是也池中作九洲求鯉魚二月上庚日納池中令水無聲魚必生至四月納一神守六月二神守八月三神守神守者鼈也所以納鼈者鱗蟲三百六十蛟龍爲之長而將魚飛去有鼈則魚不去在池中周遶九洲無窮自謂江湖也養鯉者鯉不相食易長又貴也

治魚病凡魚遭毒翻白急疏去毒水別引新水入池多取芭蕉葉搗碎置新水來處使吸之則解或以溺澆池面亦佳



治鹿病宜用鹽拌豆料餵之常餵以豌豆亦佳

治猿病小猿宜餵以人參黃耆若大猿則以蘿蔔餵之

治鶴病用蛇鼠及大麥並宜煮熟餵之

治鸚鵡病以柑欖餘甘飼之愈預收作乾以備緩急之用

治鴿病用古墻上螺螄殼并續隨子銀杏搗爲丸每  
餵十丸若爲鷹所傷宜取地黃研汁浸米飼之

治百鳥病百鳥喫惡水鼻凹生爛瘡甜瓜蒂爲末傳  
之愈

凡鳥翅足折喂以芝蔴仍  
嚼爛敷患處即瘥



